

Gvangjsih Minzczu Bau

Guenjbanh: Gvangjsih Bouxcuengh Swcigih Minzczu Cunghgyau Swvu Veijyenzei Okbanj: Gvangjsih Minzczu Bause Geiz neix 8 banj
广西民族报 Aenhauh okbanj: CN45-0036 B.2022 Nd.4 Ng.6 Liggaeuq nyaemzyinz nienz ndwensam coloeq Geizsoq: Gungh daih 3518 geiz

Gvangjsih Yunggh Lai Cungj Banhfap Daezswng Gyauyuz Suijbingz Dieg Bien'gyaiq

广西多举措提升边境地区教育水平

Mboengqneix, Swcigih Yinzminz Cwngfuj Bangunghdingh yaenqfat 《Fueng'anq Hengzguh Daezswng Gyauyuz Dieg Bien'gyaiq Gvangjsih》(bailhaj heuh 《Fueng'anq》), yunggh lai cungj banhfap gyavaig daezswng gyauyuz suijsingz dieg bien'gyaiq.

《Fueng'anq》daezok aeu doi-caenh soqcih ndawhag cienzmienh cienzdoh, baujmaenh daengz 2025 nienz, 100% dwg soqcih ndawhag. Doengzseiz, aeu laebndei dumsuh-gvanj, funghyawsaw, vwnzva cangzlangz daengj sezsih, guh hozdung langhbaij vwnzva hagdangz, hwnqguh aen funghyausij, funghlanghbaij daengj miz gij goengnaengz gyauyuz.

《Fueng'anq》haeujoengh dieg bien'gyaiq saedhengz gunghfei swhfanswng giva, dwzgangj giva, gung-

ganq bouj 1000 boux doxhwnj dinghyiengq swhfan bizyewswng, ciu 800 boux doxhwnj lauxsae dwzgangj lajmbanj daengz dieg bien'gyaiq guh lauxsae. 《Fueng'anq》iugouz laebndei aen gihci gikcoi lauxsae, doeksaed lauxsae yivu gyauyuz bingzyaenz gunghsw souhaeu suijsingz mbouj daemq gvaq fapdingh iugouz gunghvuyenz dangdieg bingzyaenz gunghsw souhaeu suijsingz; doidoengh gyalai daezswng bouj cienz hawj lauxsae lajmbanj, ciuq hagdangz ganhoj bien gyae bouj hawj mbouj doxdoengz; gak loih vunzcaiz hanghmoeg, mingzdaeuz byaujcangh, bingz ciengj bingz ndei ngeng coh lauxsae dieg bien'gyaiq.

《Fueng'anq》dungcouz anbaiz Gvangjsih 5 aen gauhyau caeuq aen gyauyuz yenzgiu gihgou ndeu, gapdoh

bang dieg bien'gyaiq hwnghat gyauyuz. Gvangjsih Swhfan Dayoz gapdoh bang Fangzcwngzgangj Si Fangzcwngz Gih, Dunghhingh Si caeuq yozcenz gyauyuz dieg bien'gyaiq; Nanzningz Swhfan Dayoz gapdoh bang Dasinh Yen, Ningzmingz Yen; Bwzswz Yozyen gapdoh bang Nazboh Yen, Cingsih Si; Gvangjsih Minzczu Swhfan Yozyen gapdoh bang Lungzcouh Yen, Bingzsiengz Si; Yilinz Swhfan Yozyen caeuq Gvangjsih Gyauyuz Yenzgiuyen lienzhab vixyinx hong gyauyenz dieg bien'gyaiq.

《Fueng'anq》iugouz cwngcwz bang cienz hagseng ngeng coh dieg bien'gyaiq, hagseng youq hagdangz yivu gyauyuz dieg bien'gyaiq cungj hawj cienzbouj, cienzhag doeg cunghdwngj cizyey gyauyuz caeuq cienz-

hagcab bujdungh gauhcungh hagseng ranz hojndeq mbouj aeu cienz, aeu cienzbanhag guekgya hawj hagseng hab diuzgienh. Hagseng hugouj youq bien'gyaiq 0—3 goengleix caemhcai youq bonj yienh(si, gih) doeg bujdungh gauhcungh, cunghdwngj cizyey gyauyuz moix bi moix boux ndaej 1500 maenz cienzbouj gvaq ndwenngoengz. Hagseng ngamq bae dayoz hugouj youq bien'gyaiq 0—3 goengleix moix boux ndaej 2000 maenz cienzbouj haeuhag. Hagseng youq hagdangz(hamz youwzyenz, diemjsonhag) bien'gyaiq 0—3 goengleix doegsaw, cienz baujyuz gyauyuz duenh yozcenz gyauyuz, cienzhag duenh bujdungh gauhcungh gyauyuz de youz caizcwng bouj cienz hawj caez.

(Liz Yihveiz)

Gangj Ndei Gojgaeq Seuqcingh

Cauh Funghaiq Moq Seuqcingh

讲好廉洁故事 树立廉洁新风

3 nyied 30 hauh, Lungzswng Gak Cuz Swciyen Lungzswng Cin Daihngaih Siujoyz cujcih hagseng doxdax gangj gojgaeq seuqcingh "gangj ndei gojgaeq seuqcingh cauh funghaiq moq seuqcingh". Doenggvaq gangj gojgaeq, hawj hagseng rox "seuqcingh dwg gijmaz" "seuqcingh youqgaenj mbouj" caeuq "guhlawz guh boux vunz seuqcingh ndeu", hawj hagseng daj iq cukmaenh diuz fuengzsieng re nduknaeuh, demgiengz gij eiqsik seuqcingh hagseng.

(Fan Sihyiz Cangh Hinghbingz ingj)



Gvangjsih Huznanz Gveicouh Sam Swngj(Gih) Youq Gwnzmuengx Doxdax Eu Fwen

桂湘黔三省(区)举办百村民歌网络大赛

Mboengqneix, Sanhgyangh Duncuz Swciyen Minzgoh Hezvei cujcih gyoengq boux gyaez fwen 3 swngj(gih) 10 yangh 100 cunh dieg henzgyaiq Gvangjsih Huznanz Gveicouh yunggh cukmaenh gij eiqsik caezcaemh Cunghvaz Minzczu guh cawjdaez, doenggvaq soujgih veihsin, QQ ginz daengj bingzdaiz, guh sam swngj(gih) youq gwnzmuengx doxdax

eu fwen.

Ciuq cam rox, baez doxdax neix daj 3 nyied ndawcib hainduj. Doxdax faen Gvangjsih Sanhgyangh Duncuz Swciyen, Huznanz Dunghdau Duncuz Swciyen, Gveicouh Lizbingz Yen sam dieg doxdax, moix dieg faenbied cujcih 1000 boux canghfwen Duncuz, canghgo Bizbaz Duncuz guh doxdax youq gwnzmuengx senj-

leh. Gak dieg doxdax yaek cujcih vangjminz douzbyau, senjleh 100 boux canghfwen maenhndei caeuq canghgo Bizbaz okdaeuj. Duenh laeng doxdax, yaek cujcih senjleh 300 boux maenhndei Gvangjsih Huznanz Gveicouh okdaeuj, youq 8 nyied daej doxcomz Sanhgyangh Dohyeh Gvangjczangz guh doxdax, cujcih lauxhangz caeuq bouxroxlai

ciuq bingzdingh biucinj goengbingz bingzdingh, daj ndawde bingz ok 30 boux canghfwen Duncuz maenhndei, 30 boux canghgo Bizbaz Duncuz maenhndei. Bingz it, ngeih, sam daengjiengj caeuq ciengj maenhndei, fat mbaw cingq mingzdaeuz, doiqyienh dajciengj.

(Liu Ciyungz Lungz Vwnz)